

Na osnovu člana 16. stav 4. Zakona o rudarstvu Federacije Bosne i Hercegovine ("Službene novine Federacije BiH", broj 26/10), federalni ministar energije, rudarstva i industrije donosi

P R A V I L N I K **o uslovima za obavljanju rudarske djelatnosti**

OPĆE ODREDBE

Član 1.

(Predmet pravilnika)

Ovim Pravilnikom se uređuju minimalni uslovi (kadrovske popunjenosti, tehničke opremljenosti i drugi propisani uslovi) koje moraju ispunjavati pravna lica za obavljanje registrovanih djelatnosti i usluga u oblasti rudarstva.

Član 2.

(Djelatnosti)

Pod registrovanim djelatnostima iz člana 1. ovog pravilnika smatraju se djelatnosti KD BiH razvrstane u

1. Područje B - Vađenje ruda i kamena

05.10 Vađenje kamenog ugljena

05.20 Vađenje lignita

07.10 Vađenje željeznih ruda

07.21 Vađenje uranovih i torijevih ruda

07.29 Vađenje ostalih ruda obojenih metala

08.11 Vađenje ukrasnog kamena i kamena za gradnju, vapnenca, gipsa, krede i škrljavaca

08.12 Djelatnosti kopova šljunka i pijeska, vađenje gline i kaolina

08.91 Vađenje minerala za proizvodnju kermikalija i prirodnih mineralnih gnojiva

08.92 Vađenje treseta

08.93 Vađenje soli

08.99 Vađenje ostalih ruda i kamena, d. n.

09.90 Pomoćne djelatnosti za vađenje ruda i kamena

33.12 Popravak mašina

43.12 Pripremni radovi na gradilištu

71.12 Inženjerske djelatnosti i snjima povezano tehničko savjetovanje

71.20 Tehničko ispitivanje i analiza

42.13 Gradnja tunela (rudarski dio)

ISPUNJENOST USLOVA

Član 3.

(Vađenje mineralnih sirovina)

(1) Obavljanje djelatnosti vađenja mineralnih sirovina može obavljati privredno društvo (koje je upisalo odgovarajuću jednu ili više djelatnosti iz člana 2. ovog Pravilnika u registar poslovnih subjekata kod nadležnog registarskog suda, da je stručno osposobljeno sa neophodnim kadrovima rudarske, mašinske i elektro struke, (organizovano glavno tehničko rukovođenje, tehničko rukovođenje, službu zaštite na

radu, tehničku opremljenost, neophodne infrastrukturne objekte i objekte za higijensko-tehničku zaštitu i koje od nadležnog organa pribavilo dozvolu za eksploataciju, dozvolu za izvođenje radova po rudarskom projektu i dozvolu za upotrebu rudarskih objekata postrojenja, uređaja i instalacija.

(2) Dozvole iz stava 1. ovog člana ne odnose se na izvođača odnosno podizvođača određenih poslova (radova) u okviru obavljanja djelatnosti vađenja mineralnih sirovina.

Član 4. (Rudarska mjerenja)

Rudarska mjerenja pri izvođenju rudarskih radova, izradi rudarskih i građevinskih objekata rudarskim metodama rada na površini i/ili ispod površine i izradu rudarskih karata i planova u jami i/ili na površinskom kopu može obavljati privredno društvo, odnosno izvođač koje je upisalo šifru djelatnosti 71.12 Inženjerske djelatnosti i s njima povezano tehničko savjetovanje u registar poslovnih subjekata – kod nadležnog registarskog suda za obavljanje te djelatnosti i koje u pogledu stručne spreme i tehničke opremljenosti ispunjava uslove utvrđene Pravilnikom o tehničkim normativima za izvođenje rudarskih mjerenja, izradu rudarskih planova i karata, njihova razmjera, izbor sistema koordinata i vođenje rudarsko-mjeračke i druge dokumentacije koja se upotrebljava pri izradi rudarske tehničke dokumentacije ("Službene novine Federacije BiH", broj 14/12) i ima odgovarajući radni prostor u vlasništvu ili najmu.

Član 5. (Kategorizacija prema stepenu opasnosti od metana i opasne ugljene prašina)

Izradu elaborata za kategorizaciju jama i jamskih prostorija prema stepenu opasnosti od metana i opasne ugljene prašine može obavljati privredno društvo registrovano kod nadležnog suda za obavljanje tih poslova i koje pored uslova iz čl.72. i 73. Zakona o rudarstvu Federacije Bosne i Hercegovine (u nastavku teksta: ZoRu) ispunjavaju uslove u pogledu stručne spreme i tehničke opremljenosti utvrđene Pravilnikom o uslovima koje moraju ispunjavati pravna lica za izradu Elaborata o kategorizaciji ugljenih slojeva i jama i razvrstavanju jamskih prostorija prema stepenu opasnosti od metana i Elaborata o klasifikaciji i kategorizaciji jame, odnosno jamskih prostorija prema stepenu opasnosti od eksplozivne ugljene prašine u pogledu osposobljenosti i opremljenosti i postupku njihovog odobrenja ("Službene novine Federacije BiH", broj 68/11) i ima odgovarajući radni prostor u vlasništvu ili najmu.

Član 6. (Izrada rudarskih projekata)

Izradu rudarskih projekata može obavljati privredno društvo koje je registrovano kod nadležnog suda za obavljanje te djelatnosti, koje u stalnom radnom odnosu ima najmanje tri radnika, od kojih najmanje jedan radnik ispunjava uslove iz člana 73. ZoRu (one struke za koju se vrši izrada rudarskog projekta – rudarski, mašinski, elektro, građevinski, i dr.), te koje posjeduje odgovarajući radni prostor u vlasništvu ili najmu, tehničku opremljenost i licencirane programe za obavljanje te djelatnosti.

Član 7.

(Revizija rudarskih projekata)

Reviziju rudarskih projekata može obavljati privredno društvo koje je upisalo šifru djelatnosti 71.12 Inženjerske djelatnosti i snjima povezano tehničko savjetovanje kod nadležnog suda za obavljanje te djelatnosti, putem revidenta i koje ispunjava uvjete iz člana 77. ZoRu, ima odgovarajući radni prostor u vlasništvu ili najmu, tehničku opremljenost i licencirane programe za obavljanje te djelatnosti.

Član 8.

(Izvođenje bušačko minerskih radova i seizmičkih mjerebja)

(1) Izvođenje bušačko minerskih radova na površinskim kopovima, površinskim i podzemnim objektima koji nisu vezani za eksploataciju mineralne sirovine i građevinskim objektima koji se rade rudarskim metodama rada može obavljati privredno društvo odnosno izvođač radova koje registrovano kod nadležnog suda za obavljanje te djelatnosti, koje pored uslova iz čl. 22., 26. i 30. ZoRu ima opremu za izradu minskih bušotina (bušaće garnitura i alati) stručno osposobljene radnike za rad i rukovanje bušačom garniturom i alatima, osigurano održavanje opreme osobna zaštitna sredstva u skladu sa općim aktom i odgovarajući radni prostor.

(2) Obavljanje seizmičkih mjerenja i uticaja masovnih miniranja u rudarstvu sa izrada potrebne dokumentacije može obavljati privredno društvo odnosno izvođač radova koje registrovano kod nadležnog suda za obavljanje te djelatnosti, koje pored uslova iz čl. 22., 26. i 30. ZoRu ima opremu za mjerenje seizmičkog uticaja i odgovarajući radni prostor.

Član 9.

(Izrada, održavanje i rekonstrukcija rudarskih prostorija)

Izvođenje radova na izradi vertikalnih, kosih i horizontalnih rudarskih prostorija (rudarskih istražnih prostorija, prostorija otvaranja, pripremanja, dopreme), rekonstrukciji i održavanju, rudarskih prostorija i rudarskih objekata, zatvaranju rudarskih objekata, izradi tunela i njihovoj sanaciji, galerija i drugih podzemnih prostorija, građevinskih objekata rudarskim metodama rada ispod zemlje, može obavljati privredno društvo odnosno izvođač radova koje registrovano kod nadležnog suda za obavljanje te djelatnosti i koje pored uslova iz člana 26. ZoRu, treba da u radnom odnosu ima potreban broj stručno osposobljenih radnika za te radove uključujući tehničko rukovođenje i nadzor (rudarske, mašinske ili elektro struke, u ovisnosti od obima i vrste posla) nad provođenjem tehničkih normativa i mjera zaštite na radu, potrebnu opremu i alate za izvođenje tih poslova, odgovarajući radni i radionički prostor, lična zaštitna sredstva u skladu sa općim aktom, osigurane objekte za pranje, presvlačenje i objedovanje i potrebna sanitarna sredstva.

Član 10.

(Izvođenje rudarskih istražnih radova sa površine i drugih pomoćnih radova)

Izvođenje rudarskih istražnih radova sa površine i drugih pomoćnih radova pri istraživanju i eksploataciji mineralne sirovine kao što su transport i odlaganje otkrivke na odlagalištu, transport rovnog uglja do objekta prerade, odlaganje i skladištenje rude u rudarskim objektima izradu etažnih putova, usjeka, odvodnih kanala, sanacija i

rekultivacija zemljišta oštećenog rudarskim radovima, sanacija i rekultivacija napuštenih istražnih prostora, površinskih kopova i podzemnih rudnika rudarskim metodama rada i izrada objekata i postrojenja za preradu ili oplemenjivanje mineralne sirovine koji nisu neposredno vezani uz radove na eksploataciji mineralne sirovine i druge pomoćne radove u rudarskim objektima, može obavljati privredno društvo odnosno izvođač radova registrovan kod nadležnog suda za obavljanje tih djelatnosti i radova, koji ima potreban broj stručno osposobljenih radnika za obavljanje tih poslova, tehničko rukovođenje, nadzor (rudarske, mašinske ili elektro struke, u ovisnosti od obima i vrste posla), nad provođenjem tehničkih normativa i mjera zaštite na radu, stručno osposobljene radnike (rudarsko-mašinske i elektro struke, u ovisnosti od obima posla), potrebna sredstva rada, odgovarajući radni i radionički prostor, osobna zaštitna sredstva u skladu sa općim aktom, osigurane objekte za pranje, presvlačenje i objedovanje i potrebna sanitarna sredstva.

Član 11.

(Periodični pregledi)

Periodične preglede oruđa za rad i uređaja i ispitivanje fizičkih, hemijskih i bioloških uticaja i izdavanje odgovarajućih isprava u rudarstvu može obavljati privredno društvo odnosno izvođač radova koje je registrovano kod nadležnog suda za obavljanje tih poslova, koji posjeduje stručne kadrove, opremu, radni prostor, propisana opća akta i koje posjeduje dozvolu za vršenje tih poslova od nadležnog organa u skladu sa članom 48. ZoRu.

Član 12.

(Radovi montaže, demontaže i održavanja postrojenja i uređaja u rudarstvu)

Radove montaže, demontaže i održavanja postrojenja i uređaja u rudarstvu može obavljati privredno društvo za svoje potrebe ili izvođač koji ispunjavaju uslove iz čl. 22. i 31. stav 1. t. 11. i 12. ZoRu (u ovisnosti od vrste posla) i imaju u radnom odnosu potreban broj stručno osposobljenih radnika za obavljanje tih poslova, potrebna sredstva rada, radionički prostor, lična zaštitna sredstva u skladu sa općim aktom, osigurane objekte za pranje, presvlačenje i objedovanje i potrebna sanitarna sredstva.

Član 13.

(Eksploatacija geotermalnih izvora i bušotinska eksploatacija)

Eksploataciju geotermalnih izvora i bušotinsku eksploataciju mineralnih sirovina može obavljati privredno društvo koje ispunjava uslove propisane čl. 22. i 26. ZoRu i koje ima u radnom odnosu neophodan broj stručno osposobljenih radnika za obavljanje tih poslova (rudarske mašinske i elektro struke), potrebna sredstva rada, radionički prostor, osobna zaštitna sredstva u skladu sa općim aktom, osigurane objekte za pranje, presvlačenje i objedovanje i potrebna sanitarna sredstva.

Članak 14.

(Minimalan broj radnika)

Minimalan broj uposlenika u privrednom društvu koje se bavi rudarskom djelatnošću zavisi od vrste i obima rudarske djelatnosti te broja izvršilaca predviđenih rudarskim projektom, a ne može biti manje od tri radnika.

Član 15.

(Opća akta i ostala dokumentacija)

Za nesmetano obavljanje rudarske djelatnosti privredno društvo odnosno izvođač mora posjedovati-uraditi i opća i ostalu dokumentaciju i to:

- Rješenje o upisu u registar društva kod nadležnog suda
- Obavještenje o razvrstavanju poslovnog subjekta, izdato od nadležne službe za statistiku,
- Dokumentaciju o vlasništvu ili najmu za poslovni prostor,
- Isprave kojim se dokazuje da su pregledana i ispitana sredstva rada i oprema, fizičke, hemijske i biološke štetnosti i mikroklima u radnim i pomoćnim prostorijama i radnim prostorima
- Statut društva
- Pravilnik o radu sa unutrašnjom organizacijom i sistematizacijom rudarskim poslovima
- Pravilnik o zaštiti na radu
- Pravilnik o zaštiti od požara
- Pravilnik kojim se uređuje zaštita zdravlja radnika
- Pravilnik o uvođenju radnika u rudarski posao prema članu 53 ZoRu
- Program o edukaciji i provjeri znanja radnika prema članu 54 ZoRu

Član 16.

(Nadzor)

Ispunjenost uslova za obavljanje rudarske djelatnosti prema ovom Pravilniku provjerava nadležna inspekcija u postupku inspeksijskog nadzora odnosno nadležni organ utvrđen ZoRu.

PRELAZNE I ZAVRŠNE ODREDBE

Član 17.

(Stupanje a snagu)

Ovaj pravilnik stupa na snagu danom objavljivanja u "Službenim novinama Federacije BiH".

Mostar,
Broj: _____/20

MINISTAR